

# TREOIR LE HIARRATAS A DHÉANAMH MAIDIR LE CLÁR CAIPITIL SPÓIRT 2017

[www.sportscapitalprogramme.ie](http://www.sportscapitalprogramme.ie)

YouTube <https://www.youtube.com/channel/UCq1kBv-FA7QcFmu8cdrIsTg>

## CLÁR ÁBHAIR

Réamhrá	1
Leathanach 1: Sonraí an tionscadail	7
Leathanach 2: Bainistíocht Láithreáin	10
Leathanach 3: Do Mhaoiniú Féin	11
Leathanach 4: Cead Pleanála agus Teideal / Úinéireacht / Rochtain	12
Leathanach 5: Fianaise ar Chomhroinnt	14
Leathanach 6: Achoimre agus Taisceadh	15
Téarmaí agus Coinníollacha	15
Aguisín 1: Teimpléad do thairiscint iasachta	17
Aguisín 2: Bíonn an Teimpléad le críochnú nuair <i>nach</i> mbíonn gá le cead pleanála	18
Aguisín 3: Eolas ar ullmhú na gcomhaontuithe ceadúnúcháin idir pháirtithe le hiarratais i gcomhpháirt faoin gClár Caipitil Spóirt	19
Aguisín 4: Teimpléad don tiarna talún le rochtain leanúnach ar an láthair/réadmhaoin a dheimhniú – do leithdháiltí caipitil de €25,000 nó níos lú amháin	21
Aguisín 5: Teimpléad le riachtanais teidil an Chláir Caipitil Spóirt a shásamh	23

## RÉAMHRÁ

Léigh an treoír seo go hiomlán agus go cúramach le do thoil sara ndéanann tú iarratas ar líne.

Caithfear gach iarratas, ar a n-áirítear doiciméadacht tacaíochta, a chur isteach ar líne. Ní ghlacfar le hiarratais a chuirtear tríd an bpost nó trí r-phost agus cuirfear ar ais iad.

Mura ndearna tú clárú roimhe seo, ní mór don eagraíocht agat clárú ar dtús ar an suíomh gréasáin agus is gá don eagraíocht agat Cláruimhir Chánach a bheith aici ó na Coimisinéirí Ioncaim le clárú a dhéanamh.

**Is é an sprioc-am d'iarraitais ná 5pm ar an Aoine 24 Feabhra**

**Is é an sprioc-am do chlárú ná 5pm ar an Aoine 10ú Feabhra**

Déanann an Roinn Iompair, Turasóireachta agus Spóirt an Clár Caipitil Spóirt (CCS) a oibriú agus soláthraíonn sí deontais le cabhrú le háiseanna spóirt a fhorbairt nó a athchóiriú agus le trealamh spóirt a sholáthar.

Tá sé mar aidhm ag an gClár cur chuige comhtháite agus pleanáilte a chothú maidir le háiseanna spóirt agus áineasa fhisiciúil a fhorbairt ar fud na tíre. Is iad na sainchuspóirí atá leis ach go háirithe ná:

- Cúnamh a thabhairt d'eagraíochtaí deonacha agus pobail, d'eagraíochtaí rialachais náisiúnta (ERN) spóirt, d'údaráis áitiúla agus do Bhoird Oideachais agus Oiliúna agus do scoileanna le háiseanna ardchaighdeán, inrochtana, slán, dea-dheartha agus inbhuanaithe a fhorbairt i suímh oiriúnacha agus trealamh oiriúnach a sholáthar chun cabhrú le huas-rannpháirtíocht i spórt agus in áineas fhisiciúil.
- Tosaíocht a thabhairt do riachtanais na gceantar atá faoi mhíbhuntáiste maidir le háiseanna spóirt a sholáthar.
- Spreagadh a thabhairt do chomhroinnt áiseanna spóirt áitiúla, réigiúnacha agus náisiúnta ag clubanna, eagraíochtaí pobail agus eagraíochtaí rialachais náisiúnta spóirt.

Tá deontais ar fáil do chlubanna spóirt, grúpaí deonacha agus pobail, coistí náisiúnta rialaithe spóirt agus údaráis áitiúla. Ní féidir le coláistí tríú leibhéal, Boird Oideachais agus Oiliúna (BOOanna) cur isteach ar chistíocht ach i gcomhpháirt le clubanna nó eagraíochtaí spóirt.

## **Clárú**

Ní mór d'aon eagraíocht ar mhian léi iarraitas a dhéanamh clárú ar dtús ag [www.sportscapitalprogramme.ie](http://www.sportscapitalprogramme.ie). Tá treoir ar leith ar fáil don phróiseas cláraithe ag <http://www.dttas.ie/sites/default/files/corporate/guide-registering-scp-online.pdf>. Tá físeán cruthaithe ag an Roinn ar conas sin a dhéanamh ag <https://www.youtube.com/watch?v=LDI-L215JXQ&t=8s>

**Is é an sprioc-am do chlárú ná 5pm ar an Aoine 10ú Feabhra**

## **Spriocdháta Iarraitais**

**Ní mór gach iarraitas a dhéanamh faoi 5pm ar an Aoine 24ú Feabhra.** Dúnfar an córas ar líne ag an am seo go cruinn agus ní ghlacfar le hiarraitais a bhíonn déanach nó neamhiomlán. Mura mbíonn cliceáil déanta agat ar an gcnaipe “Sábháil agus Cuir Isteach” ar an leathanach

deireanach den fhoirm iarratais faoin sprioc-am seo ní chuirfear d'iarratas san áireamh. Moltar go láidir duit tosú ar an bpróiseas iarratais a luaithe agus is féidir é toisc go mb'fhéidir nach mbeadh ar chumas na Roinne cabhrú leat ag druidim leis an spriocdháta de bharr líon na nglanna agus na r-phost a bhfuiltear ag súil leo ag an am seo.

Nuair a bhíonn d'iarratas curtha isteach agat moltar go láidir duit cóip den leathanach "Iarratas ar Dheontas Curtha Isteach" a shábháil agus/nó a chló. B'fhéidir go mbeadh an litir seo ag teastáil uait mar fhianaise ar d'iarratas a dhéanamh. Ba chóir duit tosú ar iarratas d'eagraíochta a dhéanamh chomh luath agus is féidir é.

Ní ghlacfar le hiarratais a chuirtear tríd an bpost nó trí r-phost agus cuirfear ar ais iad.

## Conas iarratas a dhéanamh

Is é an t-aon bhealach le hiarratas a dhéanamh ar dheontais ná ar an gClár Caipitil Spóirt Ar Líne (córas OSCAR) ag [www.sportscapitalprogramme.ie](http://www.sportscapitalprogramme.ie). Ceadaíonn an suíomh grásáin freisin dóibh sin a bhíonn cláraithe, féachaint ar dheontais agus íocaíochtaí roimhe seo, sonraí teagmhála a athrú, íocaíocht a lorg ar dheontas agus teagmháil a dhéanamh leis an Roinn.

Le hiarratas a dhéanamh téigh chuig [www.sportscapitalprogramme.ie](http://www.sportscapitalprogramme.ie) agus [logáil isteach ag úsáid na cláruimhreach cánach agus an pasfhocal a úsáideadh ag céim an chláraithe.](#)

Tabharfaidh an draoi iarratais treoir duit tríd an bpróiseas iarratais agus is féidir leat do shaothar a shábháil agus a athbhreithniú de réir mar a líonann tú an fhoirm. Toisc go ndéanfaidh an córas logáil amach ort tar éis tamaill díomhaointis tá sé tábhachtach go ndéanfa an d'iarratas a shábháil go rialta ag úsáid an cnaipe "Sábháil" ag bun gach leathanaigh. Is féidir leat fillleadh air ar ball nuair a bhíonn níos mó eolais nó doiciméid leictreonacha réidh agat le huaslódáil.

Tá réimsí áirithe ar gach leathanach éigeantach. Má dhéanann tú iarracht ar dhul ar aghaidh gan na réimsí seo a líonadh tiocfaidh téacs faoi bhun gach réimse éigeantach á rá cad is gá a chur ann.

## Cá háit is féidir leat comhairle a fháil ar conas iarratas a dhéanamh?

Le comhairle a fháil ar conas iarratas a dhéanamh:

- léigh an treoir seo
- féach ar ár bhfíseáin YouTube <https://www.youtube.com/channel/UCq1kBv-FA7QcFmu8cdrlsTg>
- cuirfer ríomhphost chuig gach eagraíocht cláraithe maidir le ceardlanna, a chuirfear ar siúl le linn na tréimhse iarratais, ar conas an fhoirm a líonadh
- an Bunachar Eolais a chuardach ar [www.sportscapitalprogramme.ie](http://www.sportscapitalprogramme.ie)
- glao teileafóin a chur ar an Roinn – féach <http://www.dttas.ie/sport/english/sport-unit-1-sports-capital-programmes-division> d'uimhir an té atá ag déileáil le do chontae
- r-phost chuig [SportsCapitalProgrammes@dtas.ie](mailto:SportsCapitalProgrammes@dtas.ie)

- is féidir leat íoslódáil a dhéanamh ar fhoirm iarratais samplach bán ag <http://www.dttas.ie/sport/english/sport-unit-1-sports-capital-programmes-division> (níl anseo ach foirm samplach agus caithfear gach iarratas a dhéanamh ar líne ar an gcóras OSCAR)

## Nithe Teicniúla

Moltar duit gan d'iarratas a bheith oscailte agat i níos mó ná fuinneog bhrabhsála nó táb amháin ag an am gcéanna.

## Uaslódáil doiciméadachta tacaíochta

Tabharfaidh córas OSCAR treoir duit maidir le huaslódáil a dhéanamh ar dhoiciméid áirithe ag céimeanna áirithe den phróiseas iarratais, ach caithfidh tú deimhin a dhéanamh de go ndéanann tú uaslódáil ar gach doiciméad a bhíonn ag teastáil/ceart don iarratas agat.

Déan uaslódáil le do thoil ar aon doiciméad il-leathanach mar uaslódáil amháin seachas uaslódáil ar leith in aghaidh an leathanaigh.

Tá sé tábhachtach go dtabharfaí iad seo a leanas faoi deara:

- Is sna formáidí seo a leanas amháin atá uaslódáil le déanamh ar na doiciméid: PDF, GIF, JPG, JPEG, TIF, TIFF, BMP, PSD agus PSPIMAGE (ní féidir doiciméid i word ná comhaid eile ineagarthóireachta a úsáid).
- Diúltóidh an córas OSCAR do chomhaid leictreonacha a bhíonn cosanta ag pasfhocal nó a bhfuil srianta slándála eile ag baint leo
- Bí cinnte go ndéanann tú aon chomhad leictreonach ar do ríomhaire a dhúnadh sara ndéanann tú iad a uaslódáil le do Chlárú nó d'Iarratas
- Is é uasmhéid chomhaid d'uaslódáil aon doiciméid amháin ná 5 meigibheart
- Níor chóir ach carachtair alfa-uimhriúla a bheith ar ainmneacha na gcomhad .i. a - z, A - Z agus 0 go 9 agus spásanna, ní cheadaítear aon charachtar eile.
- Is ortsa atá an fhreagracht a chinntiú go ndéanann tú na doiciméid chearta a uaslódáil.

Má theipeann ort déanamh de réir na rialacha seo ní ghlacfaidh an córas le do dhoiciméid.

## Gaistí Coitianta

Gach bliain bíonn cúpla céad iarratas neamhbhailí toisc nach gcloíonn siad leis na téarmaí agus na coinníollacha atá leagtha síos sa treoir seo. Seo thíos roinnt de na gaistí is coitianta ar chóir duit iad a sheachaint:

1. **Teideal/Rochtain ar an talamh ar a bhfuil an tionscadal á fhorbairt** – gan teimpléid teidil/rochtana (aguisín 4 agus 5 den treoir seo) a sholáthar, gan iad a bheith sínithe, gan dáta, gan leasú nó gan iad a bheith líonta go hiomlán
2. **Do Chistiú Féin** – gan tairiscint ar iasacht nó ráitis bhainc a sholáthar, iad a sholáthar gan ainm an iarratasóra nó gan dáta laistigh de 3 mhí ó spriocdháta an iarratais

3. **Na doiciméid mhíchearta a uaslódáil** – nó uaslódáil déanta ar an doiciméad céanna arís agus arís eile
4. **Gan iarratas a bheith tosaithe in am** – le heagraíochtaí nach dtosaíonn a n-iarratas go luath bíonn an baol ann go mbeidh deacrachtaí teicniúla nó eile ann nach féidir a réiteach roimh an spriodhata.

## Teagmháil leis an Roinn

A luaithe agus a chuirtear isteach iad, ní féidir leis an Roinn iarratais a phlé go dtí go mbíonn leithdháiltí fógartha.

## Neamhchomhlíonadh Théarmaí agus Choinníollacha an Chláir

Glactar an-dáiríre leis má chuirtear eolas bréige nó míthreorach chuig an Roinn ag staid ar bith. Is féidir go mbeadh aon eagraíocht nach gcomhlíonann téarmaí agus coinníollacha an Chláir Caipitil Spóirt faoi réir chigireachta, le haistarraingt á dhéanamh ar a ndeontas, agus go mbeadh orthu aisíoc a dhéanamh ar iomlán nó ar chuid den deontas agus/nó go mbeadh cosc orthu ar iarratas a dhéanamh ar feadh tréimhse.

Cuirfear gach sárú dáiríre ar théarmaí agus coinníollacha an Chláir in iúl don Garda Síochána.

## Achoimre ar na doiciméid atá ag teastáil

Tá sonraí iomlána ar na doiciméid atá de dhíth leagtha síos sa rannán sin den treoir maidir leis an leathanach ábhartha den fhoirm iarratais. Seo thíos seicliosta **achoirithe** ar a mbeidh ag teastáil uait. **Ní chuirfidh an Roinn aon doiciméad tacaíochta eile san áireamh.**

Doiciméad	Éigeantach?
Deimhniú ar stádas náisiúnta/réigiúnach	Éigeantach go gach iarratas náisiúnta/réigiúnach
Luachan/meastachán ar chostas do thionscadail	Éigeantach do gach iarratas
Cruthú ar do chistiú féin	Éigeantach do gach iarratas. Caithfear tairiscintí ar iasacht a líonadh ar an teimpléad ag aguisín 1.
Fianaise ar chead pleanála/iarratas pleanála nó fianaise nach bhfuil gá le cead pleanála	Roghnach do gach iarratas caipitil (neamh-threalaimh). Faigheann iarratasóirí marcanna sa bhreis as an doiciméad seo a sholáthar. Nuair nach mbíonn gá le pleanáil is gá duit an teimpléad ag aguisín 2 a úsáid
Socruithe faoi cheadúnas idir ghrúpaí mar fhianaise ar chomhroinnt áiseanna	Éigeantach do gach iarratas scoile, Bord Oideachais agus Oiliúna agus choláiste tríú leibhéal agus do chlubanna/ grúpaí ar mhian leo iarratas a dhéanamh i

dteannta a chéile	
<b>Fianaise ar úinéireacht an láithreáin</b>	Éigeantach do gach iarratas ar oibreacha caipitiúla mar a mbíonn teideal inmhuirir ag eagraíochtaí ar a dtalamh. Is gá do dhlíodóir an teimpléad ag aguisín 5 a líonadh
<b>Fianaise ar rochtain ar an Láthair</b>	Éigeantach do gach iarratas ar oibreacha caipitiúla nuair nach mbíonn teideal ag eagraíocht ar a talamh. Is féidir leat iarratas a dhéanamh ar uasmhéid de €25,000 d'oibreacha caipitiúla. Is gá don úinéir/tiarna talún an teimpléad ag aguisín 4 a líonadh

## Teimpléid

Tá an Roinn tar éis teimpléid a sholáthar a chaithfear a úsáid le heolas áirithe a sholáthar. Tá siad seo go léir leagtha síos in aguisíní leis an treoir seo nó is féidir íoslódáil a dhéanamh orthu freisin ón leathanach den fhoirm iarratais ar líne mar a bhfuil gá leis an teimpléad. Ba chóir don duine iomchuí iad seo a líonadh, a shíniú, a scanadh agus a uaslódáil mar chuid den iarratas agat.

Caithfear gach rannán de na teimpléid a líonadh agus níor chóir an téacs atá ann a leasú ná a mhaolú ar bhealach ar bith. Le nathanna mar “gan dochar” a chur isteach is féidir go mbeadh iarratas neamhbhailí.

## Comhiarratas a dhéanamh

Ní féidir le coláistí tríú leibhéal, Boird Oideachais agus Oiliúna (BOOanna) cur isteach ar chistíocht ach igcomhpháirt le clubanna spóirt. Ní mór do gach eagraíocht a bhíonn i gceist a bheith cláraithe ar OSCAR.

Ní mór don eagraíocht ar leo an talamh ar a bhfuil an tionscadal beartaithe an t-iarratas a dhéanamh ar chóras OSCAR. Cuirtear sonraí (ainm agus uimhir chláráithe cánach) na n-eagraíochtaí a bhíonn á gcur leis na hiarratais isteach le linn an phróisis iarratais. Féach ar an rannán thíos ar chomhiarratais le tuilleadh eolais a fháil.

Más club spóirt tú, agus comhiarratas á dhéanamh agat le scoil, ní féidir leat iarratas ar leith a dhéanamh faoi d’ainm féin.

## Níos mó ná aon iarratas amháin a dhéanamh

Ní féidir ach le hÚdarás Áitiúla, Coistí Náisiúnta Rialaithe Spóirt agus Boird Oideachais agus Oiliúna níos mó ná iarratas amháin a dhéanamh faoi gach babhta den CCS.

## LEATHANACH 1: SONRAÍ AN TIONSCADAIL

### Teideal an tionscadail

Ba chóir go mbeadh cúpla focal anseo d'fhonn an tionscadal a aithint sa todhchaí mar “draenáil príomhpháirce”, “báid rámháiochta agus maidí rámha” nó “trealamh spóirt”

### Achoimre

Tabhair achoimre ghearr (800 carachtar ar a mhéid ag áireamh spásanna agus poncaíocht) le do thoil, maidir leis an iarratas atá á dhéanamh agat. Ba chóir go dtabharfadh an achoimre cur síos ar do thionscadal agus conas a chuirfeadh na háiseanna nó an trealamh nua seo le líon na rannpháirtithe gníomhacha i sport nó le feabhas a chur ar fheidhmíocht. Ba chóir go mbeadh aon sprioc sainiúil, intomhaiste agus réadúil.

Ní dhéanfar maoiniú ach ar thionscadail a bhaineann le sport. Le cabhrú linn le socrú ar spórtúlacht tionscadail baintear úsáid as sainmhíniú Chomhairle na hEorpa ar cad is sport ann:

*“gach cineál gníomhaíochta fisiciúil, trí rannpháirtíocht neamhfhoirmeálta nó eagraithe, dírithe ar infheidhmeacht choirp chomh maith le folláine intinne a léiriú nó a fheabhsú, a chruthaíonn gaolmhaireachtaí sóisialta nó a bhaineann torthaí amach i gcomórtas ag gach leibhéal.”*

### Seoladh

Seo í láthair an tionscadail nó na saoráide mar a ndéanfar an trealamh spóirt a stóráil. Ní mór duit ar a laghad líne amháin den seoladh agus den chontae a chur isteach.

### Domhanfhad/Domhanleithead agus Léarscáil

Zúmáil isteach ar an léarscáil agus cliceáil ar láthair do thionscadail (is féidir go mbeadh leagan satailíte níos éasca le húsáid). Mar rogha ar sin is féidir leat comhordanáidí domhanfhad agus domhanleithead a chur isteach. Tá sé tábhachtach go dtugann tú láthair do shaoráide go cruinn ar an léarscáil.

### Sonraí an tionscadail atá beartaithe agus costais

Sa chuid seo ba chóir duit comhpháirteanna éagsúla do thionscadail a leagadh amach agus costas agus tosaíocht gach ceann acu. Is féidir leat atheagar a chur ar a dtosaíocht ina dhiaidh sin.

Toisc go bhfuil an maoiniú atá ar fáil teoranta, tá sé riachtanach go ndéanfa miondealú ar chostas gach comhpháirt den tionscadal agus ar chostas gach coda de chomh mór agus is féidir é. Mura ndéantar miondealú imleor ar chostas do thionscadail is féidir go mbeadh sé deacair aon mhaoiniú a leithdháileadh ina thaobh.

**Mar shampla** má áiríonn do thionscadal athdhromchlú cúirte leadóige, fál a chur timpeall ar an gcúirt agus an áit a thuilsoilsiú, ba chóir duit an costas ar gach gné ar leith a áireamh san iarratas agat le tosaíocht á thabhairt agat ar gach gné acu. Mura ndéanann tú ach costas foriomlán amháin a sholáthar agus nach mbíonn go leor airgid ann le maoiniú a dhéanamh ar gach ceann de na 3 ghnéithe, is féidir nach mbeadh aon mhaoiniú ar fáil duit ar chor ar bith. Má sholáthraíonn tú costas ar leith do gach gné, is féidir go bhféadfaí maoiniú a sholáthar do chuid de ghnéithe an tionscadail.

Seo thíos liostaí de na nithe nach dtugtar maoiniú dóibh. Níl iontu seo ach samplaí agus ní thionsaíonn siad gach féidearthacht.

Ní mór do gach tionscadal caipitil a bheith inrochtana do dhaoine atá faoi mhíchumas agus teacht leis na 7 bprionsabal maidir le dearadh uilíoch [www.universaldesign.ie](http://www.universaldesign.ie).

Mura n-áiríonn tú ach trealamh, ní dhéanfaidh córas OSCAR eolas agus cáipéisí tacaíochta maidir le cead pleanála nó teideal a lorg.

Féachfar ar ghnéithe incháilithe iarratais ó thaobh maoinithe de, fiú mura mbíonn gnéithe eile den tionscadal incháilithe.

### Cuirtear maoiniú ar fáil:

- Páirceanna imeartha, raonta agus cúirteanna féir nádúrtha (ar a n-áirítear draenáil ar pháirceanna imeartha)
- Tuilsoilsiú
- Páirceanna imeartha, raonta, cúirteanna saorga agus achair do chluichí ilúsáide
- Fálú slándála, eangach le liathróid a stop agus cuailí
- Ballaí iomána / cúirteanna liathróide láimhe
- Tógáil nó athchóiriú seomraí gléasta, ceathanna agus leithris
- Tógáil nó athchóiriú hallaí spóirt agus hallaí gleacaíochta
- Mionathrú ar áiseanna spóirt le feabhas a chur ar rochtain do dhaoine atá faoi mhíchumas.
- Trealamh spóirt neamhphearsanta ar a n-áirítear trealamh gleacaíochta<sup>1</sup>, lomairí faiche agus dífhibrileoirí. Ní fhéachtar ar aon ní a bhíonn curtha sa talamh (mar chuailí) mar threalamh.
- Aon tionscadal caipitil eile ar léir baint a bheith acu le sport agus a chuirfeadh le rannpháirtíocht i sport nó a chuirfeadh feabhas ar fheidhmíocht (féach sainmhíniú thuas).

Tá liosta níos cuimsithí ar na nithe ar a dtugtar maoiniú ar fáil sa liosta anuas ar an leathanach seo den fhoirm iarratais. Más mian leat cur isteach ar ní nach bhfuil clúdaithe ar an liosta seo déan teagmháil leis an Roinn le do thoil le comhairle a fháil.

---

<sup>1</sup>. Caithfidh gach trealamh gleacaíochta a bheith inrochtana ag daoine atá faoi mhíchumas.



## Ní chuirtear maoiniú ar fáil ar:

- Oibríochtaí príobháideacha agus/nó tráchtála (féach nótaí thíos)
- Costais oibríochtúla
- Ardáin fhéachana
- Carrchlóis, bóithre nó tírdhrechtú
- Clós Súgartha do leanaí
- Tithe tabhairne, cistineacha, cóiríocht chodlata, oifigí nó gnéithe eile de thionscadal nach bhfuil baint ar bith acu le spórt
- Tionscadail (nó gnéithe de thionscadail) mar a bhfuil obair tosaithe orthu cheana féin nó mar a bhfuil conarthaí sínithe cheana féin
- Tógáil nó athchóiriú linnte snámha
- Gnáthchothabháil (ar a n-áirítear athdhromchlú ar pháirceanna imeartha saorga maoinithe ag an CCP le 10 mbliana anuas)
- Iarratais ó scoileanna, BOOanna agus coláistí 3ú leibhéal nach ndéantar i gcomhpháirt le club spóirt amháin ar a laghad (féach mír ar leith ar iarratais ó scoileanna, BOOanna agus coláistí 3ú leibhéal ar leathanach 9)
- Aisíoc iasachta (is féidir scéim ar leith faoisimh cánach maidir le tabhartais do chlubanna spóirt a úsáid le maoiniú a dhéanamh ar aisíoc iasachta féach [www.revenue.ie](http://www.revenue.ie))
- Ceannach talún nó foirgneamh (is féidir scéim ar leith faoisimh cánach maidir le tabhartais do chlubanna spóirt a úsáid le maoiniú a dhéanamh ar thalamh a cheannach féach [www.revenue.ie](http://www.revenue.ie))

**Tá sé éigeantach go gcuirfí ar a laghad gné amháin den tionscadal agat ar an leathanach seo.**

## Oibríochtaí príobháideacha agus/nó tráchtála

Tá maoiniú CCP dírithe ar spóirt an phobail mar ar féidir leis an líon is mó daoine a bheith rannpháirteach iontu. Is féidir leis an Roinn cinneadh a dhéanamh maidir le heagraíocht ar bith a leagann an iomarca srianta ar bhallaíocht nó ar úsáid mar eagraíocht phríobháideach nach bhfuil siad incháilithe le maoiniú CCS a fháil.

Agus measúnú á dhéanamh ar cabé a mbaineann iarratas le tionscadal tráchtála déantar struchtúr na dtáillí a scrúdú, in éineacht leis na freagraí ar na ceisteanna ar leathanach 2 den fhoirm iarratais: “cad iad na grúpaí a bhainfidh úsáid as an áis” agus “conas atá sé ar intinn agat grúpaí agus daoine atá faoi mhíbhuntáiste a spreagadh leis an áis atá beartaithe a úsáid”. Ní léiriú ann féin é airgead a ghearradh ar úsáid na háise gur eagraíocht tráchtála atá inti ach níor chóir go mbeadh na táillí róchostasach.

Má tá tú buartha go bhféachfar ar d'iarratas mar iarratas príobháideach nó tráchtála déan teagmháil leis an Roinn le do thoil le comhairle a fháil. Tá dualgas ar an iarratasóir an Roinn a shásamh maidir leis na ceisteanna seo.

## Doiciméad meastacháin

Caithfear luachan nó meastachán réamh-thairisceana amháin ar a leghad a ullmhaíodh go proifisiúnta a uaslódáil do gach gné den tionscadal (ar a n-áirítear trealamh). Is féidir go mbeadh doiciméad amháin nó níos mó i gceist leis seo ach caithfear gach ní a bhfuil iarratas á dhéanamh air a chlúdach. Glactar leis na cileálacha seo doiciméad mar mheastacháin:

1. Meastachán ullmhaithe ag do mhaoirseoir teicniúil (innealtóir, suirbhéir cainníochta nó ailtire de ghnáth).
2. Meastachán ó chonraitheoir/soláthróir
3. Sliocht as catalóg/suíomh gréasáin (do threalamh amháin)

Mura ndéantar meastacháin a sholáthar d'aon ghné den obair, ní chuirfear ach na páirteanna eile den tionscadal san áireamh.

## Tionscadail náisiúnta/réigiúnacha

Má tá áis náisiúnta nó réigiúnach á bheartú agat is gá duit litir thacaíochta a áireamh ó Cheanneagraíocht Rialaithe Spóirt Náisiúnta amháin ar a laghad.

Áirítear ar thionscadail Réigiúnacha nó Náisiúnta (uasmhéid deontais de €200,000):

- ionaid bharr feabhais náisiúnta do spórt amháin nó níos mó (m.sh. lárionad náisiúnta rámhaíochta, staid náisiúnta dornálaíochta)
- raonta reatha sintéiseacha 6-8 lána,
- áiseanna foirne rugbaí cúige,
- clubanna sacair Shraith na hÉireann agus ionaid traenála réigiúnacha FAI,
- tailte contae agus lárionaid bharr feabhais CLG,
- tionscadail Údaráis Áitiúil ag lorg idir €150,000 agus €200,000
- Coláistí 3ú Leibhéal agus
- Iarratais ó Cheanneagraíochtaí Rialaithe Spóirt Náisiúnta.

**Mura bhfuil tú cinnte cibé tionscadal náisiúnta/réigiúnach é do tionscadal, déan teagmháil leis an Roinn le comhairle a fháil le do thoil.**

## LEATHANACH 2: BAINISTÍOCHT LÁITHREÁIN

### Cad iad na háiseanna atá agat ar an suíomh seo agus/nó ar shuíomhanna eile faoi láthair?

Bain úsáid as an leathanach seo leis an Roinn a chur ar an eolas maidir leis na háiseanna atá agat faoi láthair. Tabhair sonraí iomlána le do thoil maidir le gach áis spóirt atá ag d'eagraíocht ag an suíomh seo nó ag suíomhanna eile. Ba chóir go mbeadh sonraí mar líon na seomraí feistis agus líon na bpáirceanna imeartha áirithe ar an liosta.

Tabhair sonraí ar gach cineál áise atá agat. Mar shampla, dhéanfadh club le 3 pháirc imeartha féir, ceann amháil le tuilsoilse agus 3 sheomra feistis 3 líne a líonadh:

Cineál	Líon
Páirceanna imeartha féir nádúrtha	3
Tuilsoilse	1
Seomraí feistis	3

**Níl aon réimse ar an leathanach seo éigeantach.**

## Sonraí maidir le húsáid

Nuair is féidir é ba chóir duit a leagadh síos conas atá ar intinn agat grúpaí atá faoi mhíbhuntáiste a mhealladh leis na háiseanna reatha nó atá beartaithe a úsáid. D'éadfaí a áireamh ar a leithéid de thionscnaimh go ndéanfaí rochtain ar chostas níos ísle a thairiscint do dhaoine dífhostaithe nó do phinsinéirí. An bhfuil aon ghrúpaí i do cheantar nach bhfuil rannpháirteach i sport? Cad a dhéanfaidh tú lena leithéid de ghrúpaí a spreagadh le d'áiseanna a úsáid?

Tá gach réimse ar an leathanach seo éigeantach.

## LEATHANACH 3: DO MHAOINIÚ FÉIN

Bain úsáid as an leathanach seo leis an Roinn a chur ar an eolas maidir leis an méid maoinithe atá á lorg agat agus tabhair sonraí ar do mhaoiniú féin don tionscadal.

### Cé mhéid ar cheart duit cur isteach air

Is é uasmhéid an deontais atá ar fail do thionscadail chlub/eagraíochta áitiúil ná €150,000. Níl sé ar intinn go ndéanfaí an méid seo a leithdháileadh ach i gcúinsí eisceachtúla. Is é uasmhéid an deontais atá ar fail do thionscadail náisiúnta/réigiúnacha ná €200,000 (féach leathanach 7 le sonraí a fháil ar cad cheaptar a bheith i gceist le tionscadail náisiúnta agus réigiúnacha).

Agus measúnú á dhéanamh ar d'iarratas, déanfar cibé a bhfuil do thionscadal réalaíoch a mheas i dtéarmaí scála, costais agus méid an deontais atá á lorg.

### Do Mhaoiniú Féin

Ní mór duit ranníocaíocht de 5% ar laghad de chostais fhoriomlána an tionscadail a sholáthar as do chuig airgid féin. Is féidir sin a bheith i bhfoirm iasachta nó airgid i dtaisce. Agus measúnú á dhéanamh ar iarratais, tugtar marcanna níos airde d'eagraíochtaí a léiríonn gur féidir leo leibhéal níos airde dá gcuid airgid féin a sholáthar. Ba cheart duit, dá bhrí sin, a mhéid agus is féidir leat de do chuid maoinithe féin a sholáthar don tionscadal.

Caithfidh do mhaoiniú féin in éineacht le méid an airgid a bhfuiltear ag cur isteach air, ar a laghad costas iomlán an tionscadail a chlúdach.

## Fianaise ar do Mhaoiniú Féin

Is gá duit fianaise ar do mhaoiniú féin a uaslódáil i gceann amháin nó níos mó de na formáidí thíos (**ní ghlactar le haon chineálacha eile fianaise ar do mhaoiniú féin mar litreacha ó Choistí Náisiúnta Rialaithe nó tabharthóirí, rótharraingtí, cóipeanna de chuntais an club nó meastacháil ar ghníomhaíochtaí tiomsaithe airgid sa todhchaí**):

- Ráiteas amháin ar a laghad ó institiúid airgeadais nó ó Chiste Forbartha an CLG – ní mór don ráiteas/do na ráitis **ainm na heagraíochta thabhairt**, sonraí na hinstitiúide airgeadais<sup>2</sup> agus an iarmhéid deiridh ar an ráiteas/na ráitis a sholáthar. Déanfar seo a úsáid le méid do mhaoinithe féin atá á chur ar fáil agat don tionscadal a dheimhniú. Ní mór dáta na ráiteas a bheith laistigh de 3 mhí ó spriocdháta an iarratais. Más comhiarratas a bhíonn ann nó má tá níos mó ná cuntas bainc amháin ag an iarratasóir, is féidir ráiteas a áireamh maidir le gach cuntas. Ní féidir rótharraingtí a úsáid mar do mhaoiniú féin.
- Má bhíonn iasacht i gceist le leibhéal do mhaoinithe féin, ní mór don institiúid airgeadais agat an teimpléad a sholáthraítear in Aguisín 1 a líonadh agus a stampáil – ní féidir rótharraingtí a úsáid mar do mhaoiniú féin. Ní ghlactar le hiasachtaí ó Chiste Forbartha CLG mar do mhaoiniú féin.
- Is féidir le hÚdaráis Áitiúla, BOOanna agus Coláistí Tríú Leibhéal litir óna n-oifigeach airgeadais/cuntasóir a sholáthar á dheimhniú gur ann don mhaoiniú agat féin atá riachtanach.

**Tá sé éigeantach go ndéanfaí uaslódáil ar dhoiciméad amháin ar a laghad a léiríonn do mhaoiniú féin.**

## LEATHANACH 4: CEAD PLEANÁLA AGUS TEIDEAL / ÚINÉIREACTH / ROCHTAIN

### Cead pleanála

Gheobhaidh d'iarratas marcanna sa bhreis má dhéanann tú ceann acu seo a leanas a uaslódáil:

1. Fianaise ar iarratas reatha ar chead pleanála trí dhoiciméad ó Rannóg Pleanála an Údaráis Áitiúil le huimhir thagartha na pleanála (nó uimhir thagartha chuid 8 d'Údarás Áitiúil) nó cóip den iarratas pleanála, (le stampa ó Rannóg Pleanála an Údaráis Áitiúil agus le huimhir thagartha na pleanála) d'aon ghné de do thionscadal a éilíonn cead pleanála.
2. Cóip den chead pleanála d'aon ghné de do thionscadal a éilíonn cead pleanála. Caithfidh Údaráis Áitiúla an asbhaint ó mhiontuairiscí churinnithe na comhairle a

---

<sup>2</sup> Glacfaidh an Roinn le duaisbhannaí.

sholáthar nuair a cuireadh iarratas chuid 8 tríd, nó litir ón rannóg pleanála ag deimhniú faofa ar Chuid 8. **Ní mór don chead pleanála seo a bheith reatha ag am an iarratais.**

3. An teimpléad críochnaithe le deimhniú nach bhfuil gá ag do thionscadal le cead pleanála (is féidir íoslódáil a dhéanamh ar seo ar an leathnach seo den suíomh gréasáin nó is féidir é a chóipeáil ó Aguisín 2 den treoir seo).

Beidh ar aon iarratasóir a n-éiríonn leis 2 nó 3 a sholáthar sular féidir aon deontas a íoc.

## Teideal/Úinéireacht/Rochtain

### Más iarratas ar threalamh spóirt amháin atá á dhéanamh agat

Ní gá duit aon fhianaise ar theideal a sholáthar. Ina ionad sin, má éiríonn leis an iarratas agat, beidh ar d’eagraíocht dearbhú a shíniú ag tiomnú na heagraíochta an trealamh a choimeád in úsáid spóirt ar feadh cúig bliana ar a laghad.

### Más leat an talamh nó má tá léas agat atá cláraithe

Más leat an talamh nó má tá léas agat uirthi le 15 bliana ar a laghad fágtha air ag staid an iarratais, agus go bhfuil do theideal cláraithe i gClárlann na Talún, is féidir leat cur isteach ar mhaoiniú suas le €150,000 ar oibreacha caipitiúla.

Má bhíonn an léas atá cláraithe níos lú ná 15 bliana ach níos mó ná 5 bliana ní féidir leat ach cur isteach ar dheontas caipitil de €25,000 ar a mhéid. Is féidir le do dhlíodóir comhairle a chur ort ar cheisteanna teidil.

**Sa chás sin is gá don dlíodóir agat an teimpléad a sholáthraítear in aguisín 5 a líonadh agus a shíniú (is féidir íoslódáil a dhéanamh ar seo ón suíomh gréasáin). Caithfear gach ceist a fhreagairt.**

### Murar leat an talamh nó mura bhfuil léas fada agat

Murar leat an talamh nó mura bhfuil léas 15 bliana agat ar a laghad fágtha ar an léas atá cláraithe ní féidir leat cur isteach ach ar uasmhéid de €25,000 i dtreo na n-oibreacha caipitiúla. Mar sin féin, má fuair tú deontas caipitil i 2012, 2014 nó 2015 i dtreo an láithreáin seo, is é uasmhéid na ndeontas i dteannta a chéile, ar a n-áirítear aon deontas i 2017, ná €25,000. Is féidir leat iarratas a dhéanamh freisin maidir le trealamh spóirt suas go dtí uasmhéid an deontais iomlán (€150,000 do thionscadail áitiúla nó €200,000 do thionscadail réigiúnacha/áitiúla) nach gá duit aon fhianaise ar theideal a sholáthar ina dtaobh.

**Sa chás seo is gá d’úinéir na talún an teimpléad a sholáthraítear ag aguisín 4 a líonadh isteach (is féidir íoslódáil a dhéanamh ar seo freisin ón suíomh) á dheimhniú nach bhfuil sé ar intinn aige/aici an saoráid a thógáil ó d’eagraíocht go ceann 5 bliana ar a laghad. Caithfear gach ceist a fhreagairt.**

Más le hÚdarás Áitiúil an talamh ar a bhfuil an saoráid a bhíonn beartaithe le bheith suite agus nach mbíonn léas agat a bhíonn cláraithe leis an Údarás Clárúcháin Maoine, ba chóir go ndéanfadh an tÚdarás Áitiúil an t-iarratas thar do cheann.

**Mura bhfuil iarratas á dhéanamh agar ar threalamh amháin is gá duit uaslódáil a dhéanamh ar fhianaise ar theideal nó ar fhianaise ar rochtain leanúnach ar an láithreán. Sa dá chás is GÁ duit an teimpléad iomchuí a sholáthraítear a úsáid.**

## LEATHANACH 5: FIANAISE AR CHOMHROinnt

### Nóta ar Iarratais ó Scoil, BOOanna agus Coláistí 3ú Leibhéal

Ní féidir le Scoileanna, BOOanna agus Coláistí 3ú Leibhéal cur isteach ar mhaoiniú ach i **gcomhpháirt** le clubanna spóirt nó grúpaí pobail áitiúla agus ní mór cóipeanna a sholáthar de chomhaontuithe dlíthiúla (m.sh. comhaontú faoi cheadúnas idir scoil agus club(anna) - téigh chuig do dhlíodóir le do thoil le tuilleadh eolais a fháil) a cheadódh do chlubanna agus/nó don phobal áitiúil na saoráidí agat a úsáid ar feadh 30 uair an chloig ar a laghad in aghaidh na seachtaine i gcaitheamh na bliana. Ar na heilimintí eile a neartódh comhiarratas scoile/club tá comhiarratas scoile/club ar a n-áireofaí comhbhord bainistíochta agus/nó comh-chuntas bainc don saoráid a fhaigheann deontas. Tá treoirlínte maidir lenar cheart a bheith sa chomhaontú ceadúnúcháin leagtha síos in aguisín 3.

**Ní mór don eagraíocht ar leo an talamh ar a bhfuil an tionscadal beartaithe an t-iarratas a dhéanamh ar chóras OSCAR.**

### Nóta ar chlubanna/grúpaí pobail ag comhroinnt saoráidí le scoileanna agus grúpaí eile spóirt

**Gheobhaidh iarratais ó chlubanna/grúpaí pobail marcanna breise ach a léiriú go mbeadh an saoráid ar fáil do scoileanna nó do ghrúpaí níos leithne spóirt pobail.** Caithfear fianaise ar an gcomhroinnt seo a sholáthar i bhfoirm chomhaontuithe fhoirmeálta (m.sh. comhaontú ceadúnúcháin sínithe ag na clubanna, scoil agus/nó grúpaí spóirt pobail – le tuilleadh eolais a fháil téigh chuig do dhlíodóir le do thoil) a cheadaíonn do scoil áitiúil agus/nó grúpaí spóirt pobail na saoráidí a bhíonn beartaithe a úsáid i gcaitheamh na bliana nuair nach mbíonn siad in úsáid ag an gclub féin. Tá treoirlínte maidir lenar cheart a bheith sa chomhaontú ceadúnúcháin leagtha síos in aguisín 3.

**Ní mór don eagraíocht ar leo an talamh ar a bhfuil an tionscadal beartaithe an t-iarratas a dhéanamh ar chóras OSCAR.** Beidh ar Scoileanna, BOOanna agus Coláistí Tríú Leibhéal ainm agus clárúimhir chánach chlub spóirt nó ghrúpa pobail áitiúil amháin ar a laghad a bheadh bainteach lena n-iarratas a sholáthar. Ní féidir leat sonraí a thabhairt ach ar ceithre chomhiarratas ar a mhéid. Ní mór do gach eagraíocht a bhíonn i gceist a bheith cláraithe ar OSCAR.

Má bhíonn comhiarratas á dhéanamh agat le heagraíocht eile ní féidir leat iarratas scartha a dhéanamh faoi d'ainm féin, munar Údarás Áitiúil, Coiste Náisiúnta Rialaithe nó Bord Oideachais agus Oiliúna tú.

### **Tá gach réimse éigeantach ar an leathanach seo.**

Déan uaslódáil ar chóip nó ar chóipeanna den chomhaontú dlíthiúil foirmeálta (m.sh. comhaontú ceadúnúcháin idir scoil agus club(anna) - téigh chuig do dhlíodóir le tuilleadh eolais a fháil le do thoil) a cheadódh do chlubanna agus/nó don phobal áitiúil na saoráidí agat a úsáid ar feadh 30 uair an chloig in aghaidh na seachtaine i gcaitheamh na bliana. Tá treoirlínte maidir lenár cheart a bheith sa chomhaontú ceadúnúcháin leagtha síos in aguisín 3.

**Más ó scoil/BOO/coláiste nó iontaobhas dheoise d'iarratas nó más mian leat marcanna breise a fháil as na háiseanna a chomhroinnt is gá duit ar a laghad comhaontú ceadúnúcháin amháil a uaslódáil anseo.**

## **LEATHANACH 6: ACHOIMRE AGUS TAISCEADH**

D'fhonn iarratas a dhéanamh is gá duit "save and submit" ar an leathanach seo a bhrú. Mura gcuireann tú an t-iarratas isteach ní chuirfear san áireamh é.

Nuair a bhíonn d'iarratas curtha isteach agat moltar go láidir duit cóip den leathanach iarratas ar Dheontas Curtha Isteach a shábháil agus/nó a chló a bheidh mar fhianaise ar an iarratas a bheith déanta agat. B'fhéidir go mbeadh an litir seo ag teastáil uait mar fhianaise ar d'iarratas a dhéanamh.

**Is é an spriocdháta d'iarratais ná 5pm ar an Aoine 24 Feabhra 2017**

**Tabhair faoi deara le do thoil nach féidir eagarthóireacht a dhéanamh ar iarratas, ná cur leis, a luaithe agus a chuirtear isteach é.**

## **TÉARMAÍ AGUS COINNÍOLLACHA**

### **Saoráil Faisnéise**

Is féidir le duine ar bith den phobal rochtain a lorg ar na taifid atá ag Ranna Rialtais faoi na hAchtanna um Shaoráil Faisnéise.

Faoi na hAchtanna um Shaoráil Faisnéise, is féidir linn sonraí atá in iarratais agus i ndoiciméid tacaíochta a scaoileadh, ar iarratas, le tríú páirtithe. Má tá aon fhaisnéis in bhur n-iarratas atá íogair, déan teagmháil linn go neamhspleách le do thoil, agus mínigh cén fáth nár cheart í a nochtadh do dhaoine eile. Má iarrtar aon fhaisnéis íogair orainn, rachaimid i gcomhairle leat sula ndéanfaimid cinneadh faoi. Mar sin féin, mura gcuireann tú in iúl go bhfuil íogaireacht ag baint le faisnéis ar bith agus go dtugann tú cúiseanna mar thacaíocht leis sin, déanfaimid í a nochtadh gan dul i gcomhairle leat.

## Séanadh

Ní bheidh an Roinn Ealaíon, Spóirt agus Turasóireachta freagrach don iarratasóir ná d'aon pháirtí eile as aon chailteanas, damáiste ná costais de chineál ar bith ag eascairt go díreach nó go hindíreach ón iarratas nó a mbíonn ann nó as ár ndíoltú don iarratas ar chúis ar bith.

Ní bheidh an Roinn, ná a cuid seirbhíseach nó a gníomhairí freagrach tráth ar bith ar chúinse ar bith as aon ní a bhaineann le forbairt, pleanáil, tógáil, feidhmiú, bainistiú agus / nó riaradh tionscadail indibhidiúla ná aon ní a bhaineann le páirtíocaíocht ag an Roinn as sonraisc a chuireann deontáí isteach. .

## Ráiteas Iarratasóra Thar Ceann Eagraíochta

Deimhním/deimhnímid go bhfuil an Treoir agus na critéir maidir le hiarratas a dhéanamh faoi Chlár Caipitil Spóirt 2017 léite agus tuigthe againn agus go bhfuiltear ag aontú déanamh go hiomlán de réir na dtéarmaí agus na gcoinníollacha. Tuigim/tuigimid gur chinntí deiridh iad na cinntí a dhéantar ar iarratais agus ar leithdháiltí.

Deimhním/deimhnímid go bhfuil gach eolas a thugtar san iarratas seo agus gach eolas a thugtar i ngach doiciméad tacaíochta fíor agus cruinn agus go nglacaim/go nglacaimid leis má fhaightear amach go mbíonn aon eolas thugtar bréige nó míthreorach gur féidir leis an Roinn deontais a thógáil ar ais, a éileamh go ndéantar aisíoc ar an deontas uile nó ar chuid de agus/nó cosc a chur ar iarratais ón eagraíocht sin ar feadh tréimhse. Tuigim freisin gur féidir leis an Roinn An Garda Síochána a chur ar an eolas. Deimhním/deimhnímid nach eagraíocht phríobháideach ná tráchtála an t-eagraíocht atá ag déanamh an iarratais (féach leathanach 10 le sonraí iomlána a fháil).

Aontaím/aontaímid ó dháta an deontais, nach séanfaidh mé /séanfaimid rochtain ar aon saoráid ná ar chuid de shaoráid ar a mbíonn deontas faighte againn, ar aon duine ar fhorais ghnéis, reiligiúin, stádas teaghlaigh, aois, míchumas, cine, gnéaschlaonadh, creideamh, nó ballraíocht den Lucht Taistil gan chúis chóir, réasúnta agus cuí.

Aontaím/aontaímid gur féidir aistarraingt a dhéanamh ar aon leithdháileadh deontais a dhéantar maidir leis an iarratas seo mura ndéanann an deonaí dul chun cinn imleor ar an deontas a tharraingt anuas faoi mar a bhíonn leagtha síos in aon litir leithdháilte.



## AGUISÍN 1: TEIMPLÉAD DO THAIRISCINT IASACHTA

Tá an fhoirm seo le comhlánú agus le stampáil ag d'institiúid airgeadais. Ní féidir rótharraingt a úsáid mar fhéinchistiú.

Ainm an chlub/na heagraíochta	
Cé mhéid atá san iasacht?	
Cad chuige an iasacht seo?	
An bhfuil aon iasachtaí eile gan íoc ag an gclub ón institiúid airgeadais seo?	
Cad é téarma an iasachta molta?	
Cé na haisíocaíochtaí míosúla?	
An bhfuil an iasacht faofa ar fad nó faofa i bprionsabal?	
Cathair a bheidh an iasacht ar fáil le tarraingt anuas?	
An éilíonn an iasacht aon urrús agus má dhéanann abair cén cineál urrúis atá i gceist?	


Priontáil an t-ainm le do thoil

Síniú

Teideal Poist

Dáta: \_\_\_\_\_

(Ní mór é a bheith laistigh de 3 mhí ó spriocdháta an iarratais)



Stampa na hInstitiúide Airgeadais

## AGUISÍN 2: BÍONN AN TEIMPLÉAD LE CRÍOCHNÚ NUAIR NACH MBÍONN GÁ LE CEAD PLEANÁLA

Caithfidh a bheith críochnaithe ag Maoirseoir Teicniúil<sup>3</sup>/Rannóg Pleanála Údaráis Áitiúil

Ainm an Iarratasóra \_\_\_\_\_

Seoladh an Tionscadail \_\_\_\_\_

\_\_\_\_\_

\_\_\_\_\_

\_\_\_\_\_

Sonraí an tionscadail \_\_\_\_\_

Seoladh láithreáin an tionscadail \_\_\_\_\_

\_\_\_\_\_

### Le críochnú ag do Mhaoirseoir Teicniúil nó ag Rannóg Pleanála Údaráis Áitiúil amháin

Deimhním nach n-éilíonn an tionscadal thuasluaite nó cuid den tionscadal cead pleanála.

Síniú \_\_\_\_\_

Ainm \_\_\_\_\_ (Bloclitreacha)

Post \_\_\_\_\_

Cáilíocht Ábhartha \_\_\_\_\_

Dáta \_\_\_\_\_

\_\_\_\_\_

<sup>3</sup> Inniúlacht ghairmiúil i gcúrsaí pleanála, ailtire, innealtóir sibhialta nó comhairleoir pleanála de ghnáth

## AGUISÍN 3: EOLAS AR ULLMHÚ NA GCOMHAONTUITHE CEADÚNÚCHÁIN IDIR PHÁIRTITHE LE HIARRATAIS I GCOMHPHÁIRT FAOIN GCLÁR CAIPITIL SPÓIRT

### ***Tabhair faoi deara le do thoil:***

Téigh chuig do dhlíodóir le comhairle a fháil ar chomhaontú ceadúnúcháin oiriúnach a chur le chéile. Tá freagracht ar an iarratasóir treoir a thabhairt dá ndlíodóirí agus a chinntiú go mbíonn aon chomhaontú dlíthiúil a dhéantar oiriúnach dá gcúinsí indibhidiúla. Is chun críche faisnéise amháin an t-eolas thíos agus ní hionann é agus comhairle dlíthiúil ar conas ba chóir comhaontuithe dlíthiúla a chur le chéile agus ní bheidh an Roinn Iompair, Turasóireachta agus Spóirt freagrach don iarratasóir ná aon pháirtí eile as aon chailteanas, damáiste ná costais de chineál ar bith ag eascairt go díreach nó go hindíreach as an eolas atá sa doiciméad seo.

Ní féidir le scoileanna, coláistí tríú leibhéal agus BOOanna cur isteach ar chistiú ach i **gcomhpháirt** le clubanna spóirt nó grúpaí pobail áitiúla. Is féidir le clubanna spóirt nó le grúpaí pobail áitiúla marcanna breise a fháil ach a léiriú go mbeadh an saoráid ar fáil do scoileanna nó do ghrúpaí spóirt níos forleithne sa phobail.

Ní mór do na hiarratais seo fianaise a sholáthar ar chomhroinnt saoráidí i bhfoirm **chomhaontuithe fhoirmeálta cheadúnúcháin** sínithe ag ns clubanna, an scoil agus/nó grúpaí spóirt pobail eile a cheadóidh do pháirtithe an iarratais na saoráidí a bhíonn beartaithe a úsáid i gcaitheamh na bliana nuair nach mbíonn siad in úsáid ag na hiarratasóirí féin.

### **Eilimintí den chomhaontú ceadúnúcháin**

Cé go mbaineann foclaíocht chruinn aon chomhaontú ceadúnúcháin leis na hiarratasóirí i gcomhpháirt agus a ndlíodóirí faoi seach, beidh an Roinn ag seiceáil go mbíonn an t-eolas seo a leanas áirithe sna comhaontuithe ceadúnúcháin:

- Ainm agus/nó seoladh na saoráide/na saoráide atá beartaithe atá le comhroinnt
- Ainmneacha na ngrúpaí atá bainteach leis an gcomhaontú – ar a n-áirítear síniú ionadaí ó gach grúpa acu
- Freagrachtaí gach páirtí sa chomhaontú mar shampla: árachas, árachas dliteanais, cothabháil, glanadh
- Sonraí maidir le hamanna ar bith a mbeadh an saoráid ar fáil do gach páirtí agus aon socruithe rochtana
- An tréimhse ina mbeadh éifeacht leis an gceadúnas - neamhshonraithe nó ar feadh 15 bliana ar a laghad
- Aon teorainneacha leis na feidhmeanna a bhaineann le húsáid na saoráide
- Aon socruithe bainistíochta i gcomhpháirt – boird bhainistíochta, ranníocaíochtaí airgeadais agus aon chomhchuntas bainc

- Aon socruithe maidir le táillí/cistiú d'úsáid na saoráidí – ar a n-áirítear cé shocraíonn na táillí nó an cíós agus cé íocann iad
- Aon socruithe réitithe díospóide nó clásal forghéillte

## AGUISÍN 4: TEIMPLÉAD DON TIARNA TALÚN LE ROCHTAIN LEANÚNACH AR AN LÁTHAIR/RÉADMHAOIN A DHEIMHNIÚ – DO LEITHDHÁILTÍ CAIPITIL DE €25,000 NÓ NÍOS LÚ AMHÁIN

### LITIR DHEIMHNITHE AGUS CHOMHAONTAITHE MAIDIR LE HÚSÁID RÉADMHAOINE A BHAINNEANN LE HIARRATAS AR DHEONTAS Ó NA HÁITITHEOIRÍ FAOIN GCLÁR CAIPITIL SPÓIRT

Gan úsáid a bhaint as ach d'iarratais ar chistiú caipitil de €25,000 nó níos lú nuair nach leis an iarratasóir an talamh nó nach mbíonn léas fada i gceist – féach leathanaigh 12-16 sa treoir maidir le hiarratas a dhéanamh le sonraí a fháil

Ainm an Chlub/na hEagraíochta:

\_\_\_\_\_

Seoladh na saoráide:

\_\_\_\_\_  
 \_\_\_\_\_  
 \_\_\_\_\_

Deimhním/deimhnímid \_\_\_\_\_ (cuir isteach ainm iomlán úinéara dlíthiúil na réadmhaoine/na saoráide):

1. Is liom/linn, atá ag feidhmiú mar \_\_\_\_\_ (abair cén údarás atá ag an té a shínigh an comhaontú seo le feidhmiú m.sh. úinéir, stiúrthóir na cuideachta atá mar úinéir, iontaobhaí atá ag sealbhú na réadmhaoine ar iontaobhas etc.) an láithreán/saoráid thuas.
2. Tá an láithreán/saoráid áitithe ag an gclub/eagraíocht thuasluaite ó (cuir bliain isteach) \_\_\_\_\_ agus úsáideann an eagraíocht an saoráid seo ar bhonn \_\_\_\_\_ (abair cén bonn atá le háitíocht an chlub/na heagraíochta sa réadmhaoin m.sh. léas, socrú miondíola, ceadúnas, socrú neamhghoimeálta) agus tá sé ar fáil don eagraíocht sin ar bhonn leanúnach de réir a riachtanais.
3. Tuigim/tuigimid go bhfuil iarratas á dhéanamh ag an eagraíocht ar dheontas de €25,000 nó níos lú (faoin gClár Caipitil Spóirt) le forbairt a dhéanamh ar an láithreán/saoráid agus go bhfuil aontaithe agam/againn ar na hoibreacha/an fhorbairt atá beartaithe
4. Faoi láthair níl sé ar intinn agam/againn an láithreán/saoráid seo a dhíol, a fhorbairt ná athrú a dhéanamh ar an úsáid a bhaintear as ar feadh tréimhse 5 bliana ar a laghad ón dáta ar a n-íoctar aon leithdháileadh mar thoradh ar an iarratas ar dheontas
5. Faoi láthair níl sé ar intinn agam/againn urchosc, díshealbhú a dhéanamh ná teorainn seachas sin a chur ar rochtain an chlub/na heagraíochta ar an láithreán/saoráid ar feadh tréimshe 5 bliana ar a laghad

6. Sa chás go n-éiríonn an club/eagraíocht thuas as an láithreán/saoráid a úsáid chun críche spóirt go ndéanfaidh mé/go ndéanfaimid iarrachtaí<sup>4</sup> réasúnta club/eagraíocht spóirt eile a aimsiú a fheidhmeodh an saoráid don chuid eile den tréimhse 5 bliana a ndéantar tagairt dó ag 4 thuas.
7. Mura mbíonn iarrachtaí réasúnta déanta agam/againn malairt úsáideora oiriúnach a aimsiú don láithreán/saoráid go ndéanfar aon luach nach bhfuil caite den deontas faoi mar a shocraíonn an Roinn é a aisíoc leis an Roinn. Déanfar amach cad é an luach nach bhfuil caite den deontas trí dhíscríobh barúlach a dheánamh ar 1/5ú den deontas iomlán do gach bliain a críochnaíodh ón dáta ar ar déanadh an deontas a tharraingt anars.

Sínithe: \_\_\_\_\_ Finné: \_\_\_\_\_

Ainm: \_\_\_\_\_ Ainm: \_\_\_\_\_

Seoladh: \_\_\_\_\_ Seoladh: \_\_\_\_\_

\_\_\_\_\_

\_\_\_\_\_

Dáta: - \_\_\_\_\_

*(Ní mór é a bheith laistigh de 3 mhí ó spriocdháta an iarratais)*

---

<sup>4</sup> Déanann an Roinn sainmhíniú ar “iarrachtaí réasúnta” mar fhógraíocht a dhéanamh ar an láithreán/saoráid a bheith ar fáil ar bhonn bliantúil don chuid sin den tréimhse 5 bliana nach bhfuil caite agus iarracht a dhéanamh club/eagraíocht eile a aimsiú ina ionad a bhainfeadh úsáid as an saoráid a fuair cúnamh deontais chun críche spóirt don tréimhse sin.

## AGUISÍN 5: TEIMPLÉAD LE RIACHTANAIS TEIDIL AN CHLÁIR CAIPITIL SPÓIRT A SHÁSAMH

Caithfear é a phriontáil, caithfear gach ceist a fhreagairt agus caithfear é a shíniú, a dhátú agus stampa oifigiúil do dhlíodóra a bheith air

### Tabhair faoi deara le do thoil:

Is gá do gach iarratasóir a dhéanann iarratas ar chistiú caipitil a bhfuil teideal acu ar a réadmhaoín (.i. a shásaíonn riachtanais an teimpléid seo agus nach bhfuil iarratas á dhéanamh ar threalamh spóirt amháin) an teimpléad seo a sholáthar críochnaithe is cuma cé mhéid cistiúcháin a bhíonn á lorg. **Caithfear gach ceist a fhreagairt.**

Murar leis an iarratasóir a láthair féin nó mura bhfuil léas fada cláraithe aige/aici le 15 bliana ar a laghad fágtha air ag staid an iarratais ní féidir leis/léi ach cur isteach ar dheontas caipitil de €25,000 nó níos lú. Sa dara cás acu seo is gá d'úinéir na talún/foirgneamh an teimpléad in aguisín 4 a líonadh (ar fáil le híoslódáil ar an suíomh) á rá nach bhfuil sé ar intinn aige/aici an saoráid a bhaint den eagraíocht ar feadh tréimhse nach lú ná 5 bliana.

**Ní ghlacfar le haon fhianaise eile ar theideal mar ghníomhais, léasanna nó fóilió a phriontáil amach. Ná déan an teimpléad seo a leasú ná a thras-scríobh.**

1. Ainm úinéara na réadmhaoine (is gá é a bheith comhionann leis an iarratasóir):

\_\_\_\_\_

2. Cén teideal atá ag an eagraíocht thuas ar láthair na forbartha atá beartaithe?

Ruílse  Léasacht

Más léasacht atá ann ansin:

(i) Líon na mblianta ar bhuntéarmaí an léasa: \_\_\_\_\_

(ii) Líon na mblianta atá fanta ar an léas<sup>5</sup>: \_\_\_\_\_

3. An bhfuil an teideal seo cláraithe i rannóg Chlárlann na Talún den Údarás Clárúcháin Maoine?<sup>6</sup>

\_\_\_\_\_

<sup>5</sup> Muar mbíonn 15 bliana ar a laghad fágtha ar an léas ní féidir leis an eagraíocht ach iarratas a dhéanamh do threalamh spóirt nó tionscadal caipitil de €25,000 nó níos lú agus sa chás sin is gá don tiarna talún aguisín 5 a líonadh.

Tá  Níl

Uimhir Fóilió: \_\_\_\_\_

Má tá tú ag feitheamh ar chlárú i gClárlann na Talún an Údaráis Clárúcháin Maoine cuir an uimhir dhéileála isteach anseo (caithfidh an clárú a bheith críochnaithe sula n-íoctar aon deontas) \_\_\_\_\_

An bhfuil an teideal seo cláraithe i rannóg Chlárlann na nGníomhas den Údarás Clárúcháin Maoine (caithfear clárú a chríochnú sara ndéantar iarratas)?

Tá  Níl

**4. An bhfuil an teideal in ann muirear dlíthiúil a sheasamh?**

Tá  Níl

**5. An bhfuil Gníomhas Cúnaint agus Táille ann ó dheontais roimhe seo?**

Tá  Níl

Dáta an mhuirir: \_\_\_\_\_

Más ea, an bhfuil an Gníomhas seo cláraithe leis an Údarás Clárúcháin Maoine (agus an Oifig um Chlárú Cuideachtaí, más infheidhme)?

Tá  Níl

Tá na rannóga ar úinéireacht láithreáin léite agam sa treoir maidir le hiarratas a dhéanamh faoi Chlár Caipitil Spóirt 2017

Ainm an Dlíodóra: \_\_\_\_\_

Seoladh an Dlíodóra: \_\_\_\_\_

Síniú an Dlíodóra: \_\_\_\_\_

Dáta: \_\_\_\_\_

*(Ní mór é a bheith laistigh de 3 mhí ó spriocdháta an iarratais)*

Stampa an Dlíodóra:

---

<sup>6</sup> Má socraíodh an léas roimh 2006, caithfear clárú leis an Údarás Clárúcháin Maoine a chríochnú sara ndéantar an iarratas seo ar dheontas.



